

Na osnovu člana 67. Zakona o budžetima u Federaciji BiH („Službene novine Federacije Bosne i Hercegovine“, broj: 102/13, 9/14 i 13/14), člana 19. stav 1. tačka 2), člana 21. stav 4. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj 86/07, 24/09 i 44/10), člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10) i člana 2. Odluku o pokretanju procedure kreditnog zaduženja Zeničko-dobojskog kantona, broj: 02-14-1121/14 od 15.01.2014. godine, Vlada Zeničko-dobojskog kantona, na 161. sjednici održanoj dana 25.04.2014. godine, d o n o s i

ZAKLJUČAK

I.

U skladu sa pokrenutom procedurom dugoročnog kreditnog zaduženja Zeničko-dobojskog kantona u 2014. godini u iznosu od 16.100.000,00 KM, plus pripadajuće kamate, a u svrhu finansiranja budžetskog deficita Kantona, nalaže se Službi za zajedničke poslove Zeničko-dobojskog kantona da u saradnji sa Ministarstvom finansija provede proceduru javne nabavke kreditnog zaduženja, u skladu sa Zakonom o javnim nabavkama Bosne i Hercegovine (“Službeni glasnik Bosne i Hercegovine”, broj: 49/04, 19/05, 52/05, 92/05, 94/05, 8/06, 24/06, 70/06, 12/09, 60/10 i 87/13), radi izbora banke sa najpovoljnijim uslovima kreditnog zaduženja Kantona.

II.

Zadužuje se Ministarstvo finansija Zeničko-dobojskog kantona da nakon okončane procedure javne nabavke i utvrđivanja konačnih uslova kredita (kamatna stopa, rok otplate, grace period isl.), a prije donošenja odluke o izboru najpovoljnijeg ponuđača, od Federalnog ministarstva finansija pribavi potrebnu saglasnost za kredit u skladu sa članom 26. Zakona o dugu, zaduživanju i garancijama u Federaciji Bosne i Hercegovine.

III.

Zaključak stupa na snagu danom donošenja.

Broj: 02-_____/14.

Datum, 25.04.2014. godine

Zenica

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo finansija,

1x Stručna služba Vlade

1x Služba za zajedničke poslove,

1x a/a.

Obrazloženje

I. Pravni osnov:

Pravni osnov za donošenje ovog zaključka sadržan je u članu 67. Zakona o budžetima u Federaciji BiH („Službene novine Federacije Bosne i Hercegovine“, broj: 102/13, 9/14 i 13/14), članu 19. stav 1. tačka 2), člana 21. stav 4. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09 i 44/10) i članu 16. stav 4. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj: 7/10).

II. Razlozi za donošenje zaključka i obrazloženje pojedinih rješenja:

Budžetom Zeničko-dobojskog kantona za 2014. godinu i Zakonom o izvršavanju Budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13), Skupština Zeničko-dobojskog kantona je odlučila o novom kreditnom zaduženju Zeničko-dobojskog kantona u 2014. godini.

Članom 9. Zakona o izvršavanju Budžeta Ze-Do kantona za 2014. godinu, propisano je:

„(1) Kanton se može zadužiti u svrhe, u obimu i pod uslovima utvrđenim Budžetom Zeničko-dobojskog kantona za 2014. godinu, u skladu sa procedurom propisanom odredbama Zakona o dugu, zaduživanju i garancijama u Federaciji BiH („Službene novine Federacije BiH“, broj: 86/07, 24/09 i 45/10) i Zakona o budžetima u Federaciji BiH („Službene novine Federacije BiH“, broj: 19/06, 76/08, 5/09, 32/09, 51/09, 9/10, 36/10, 45/10 i 25/12).

(2) Gornji iznos novog zaduživanja Kantona u 2014. godini iznosi 16.100.000,00 KM i pripadajuće kamate.”

Na osnovu navedenog Vlada Zeničko-dobojskog kantona je donijela Odluku o pokretanju procedure kreditnog zaduženja Zeničko-dobojskog kantona, broj: 02-14-1121/14 od 15.01.2014. godine.

Članom 7. Zakona o izvršavanju Budžeta Zeničko-dobojskog kantona za 2014. godinu, propisano je: „Postupak nabavke roba i usluga korisnici su dužni obavljati u skladu sa Zakonom o javnim nabavkama Bosne i Hercegovine (“Službeni glasnik Bosne i Hercegovine”, broj: 49/04, 19/05, 52/05, 92/05, 94/05, 8/06, 24/06, 70/06, 12/09, 60/10 i 87/13).”

Članom 67. Zakona o budžetima u Federaciji BiH je utvrđeno da se kanton može zadužiti i izdati garancije u svrhe, na način, pod uvjetima i u obimu propisanom zakonom kojim se uređuje dug, zaduživanje i garancije u Federaciji.

Članom 23. a u vezi sa članom 19. stav 1. tačka 2. Zakona o dugu, zaduživanju i garancijama u FBiH utvrđeno je da kanton može stvoriti obaveze na osnovu unutrašnjeg duga, između ostalog i u svrhu: „za finansiranje budžetskog deficita kantona“.

Članom 21. Zakona o dugu, zaduživanju i garancijama u FBiH utvrđeno je **da o visini i svrsi zaduženja kantona koje može nastati svake godine odlučuje Skupština kantona donošenjem budžeta i Zakona o izvršenju budžeta koji sadrže odredbe o iznosu i svrsi novog zaduživanja, a što je Skupština uradila donošenjem Budžeta Kantona za 2014. godinu.**

Članom 7. stav 2. Zakona o dugu, zaduživanju i garancijama u FBiH utvrđeno je da se kantoni mogu dugoročno zadužiti ukoliko u vrijeme dugoročnog zaduženja iznos servisiranja duga za ukupan unutrašnji i vanjski dug i garancije koje dospijevaju u svakoj narednoj godini, uključujući i servisiranje za predloženo novo zaduženje i sve zajmove za koje su izdate garancije kantona, ne prelaze 10% prihoda ostvarenih u prethodnoj fiskalnoj godini i u okvirima ukupnih ograničenja.

Nakon okončanja propisane procedure Vlada Kantona će donijeti Odluku o dugoročnom zaduženju Zeničko-dobojskog kantona sa konačnim elementima zaduženja, nakon čega bi se zaključio ugovor o kreditu sa najpovoljnijim odabranim ponuđačem.

MINISTRICA

Sabina Heljić